

Santa Rosa cu charla tocante parhanan di lama den area di refineria



ORANJESTAD – Diahuebs awor dia 29 di januari for di 6:30 te cu 7:30 di anochi, ing. Facundo Franken di e “seccion di mantencion di naturalesa” di Departamento di Agricultura, Cria y Pesca, lo ta presente na Biblioteca Nacional San Nicolas, unda cu lo tin un presentacion riba e topico di “parhanan di lama den e area di refineria”.

Den e charla aki e lo amplia riba e sorto di Bubinan cu sa pone webó riba e rifnan di San Nicolas, nan contexto historico y forma con nos por mantene esakinan.

Charla interesante

E charla aki lo ta especialmente interesante pa e habitantenan di Colony y San Nicolas kende por hunga un papel importante den e so-

brevivencia y mantencion di e parhanan aki. Tambe durante e anochi aki lo amplia riba e plannan pa cu 2015 manera ta limpiesa di rifnan y un workshop special riba e topico di Bubinan na Aruba.

Desde aña 1984 despues cu DLVV a cuminsa asisti den e observacion di e Bubinan rond di nos isla e interes y conocimiento pa cu e conservacion y comportacion di e parhanan aki a bin ta crece unda cu na aña 2000 te cu aña 2011 DLVV tabata envolvi den e Aruba Tern Project por medio di ing. Facundo Franken. Den cuadro di e proyecto aki nan a haci estudio riba e colonia di Bubi den e waf di Oranjestad, nan a pone palapanan na Malmok, borchinan riba rif di San Nicolas, a haci peticion pa haya rapportnan di Aruba Tern Project y a continua cu vigilancia riba e rifnan. □